

Pemuda Gerakan Minta Parti Utamakan Muka Baru Untuk Hadapi PRU-13
Bernama
24 September, 2012

KUALA LUMPUR, 24 Sept (Bernama) -- Pemuda Gerakan Isnin meminta parti itu memberi peluang kepada muka baru khususnya dari sayap itu untuk dicalonkan pada pilihan raya umum ke-13 akan datang.

Ketua Pemuda Gerakan Datuk Lim Si Pin berkata adalah wajar pemilihan calon-calon itu dibuat dalam kalangan individu berumur 40 tahun ke bawah dan sayap Pemuda pasti calonnya pasti komited jika dipilih.

"Oleh itu, Pemuda berharap calon yang dipilih haruslah mereka yang baru dan kompetitif dalam menyampaikan apa Gerakan perjuangkan untuk masyarakat," katanya pada sidang media di Menara PGRM di sini, hari ini.

Mengenai persidangan perwakilan nasional Gerakan pada 29 hingga 30 Sept depan, Lim berkata antara usul yang akan dibentangkan ialah Pelan Pembangunan Pendidikan Malaysia (PPPM) dan projek nadir bumi.

"Usul mengenai strategi parti untuk menghadapi pilihan raya umum juga akan dikemukakan," katanya.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=696783>